

## **Inatsisissamut siunnersuummut oqaaseqaatit**

### **Oqaaseqaatit nalinginnaasut**

#### **1. Aallarniut**

Siusinaartumik pensionisiat pillugit Inatsisartut inatsisaat § 31 kalaallisut qallunaatullu allassimasuini imminnut naapertuutinngitsut paasinarsivoq.

Siusinaartumik pensionisianik pisartaqarlernissamik pisinnaatitaaffiup qaqugukkut atuutilerera pillugu inatsisip qallunaatut kalaallisullu allassimanerini naapertuutinngitsoqarnera sunniuteqarpoq.

Kalaallisut allassimanera najoqqutaralugu aalajangersarneqarpoq siusinaartumik pensionisiaqalernissamik qinnuteqaateqartoq qinnuteqaammik tunniusserup kingorna qaammatip aallaqqaataani inatsisitigut atuuttumik siusinaartumik pensionisiaqalersinnaatitaasoq, tamatumani siusinaartumik pensionisiaqalernissamik qinnuteqaateqarnermi piumasaqaatit naammassineqarpata.

Taamaasilluni inatsimmi kalaallisut allassimanera najoqqutaralugu siusinaartumik pensionisiaqalernissamik qinnuteqaatip nassiunneraniit qaammatip aallaqqaataani innuttaasoq siusinaartumik pensionisiaqalernissamik pisinnaatitaaffeqalissasoq allaqqavoq, tamatumani siusinaartumik pensionisiaqalernissamik qinnuteqaateqarnermi piumasaqaatit naammassineqarpata.

Qallunaatut aalajangersakkami allassimavoq innuttaasoq siusinaartumik pensionisiaqalernissamik qinnuteqartoq, piumasaqaatit naammassineqareerpata, aamma kommunalbestyrelsi siusinaartumik pensionisiaqalernissamik qinnuteqaammut akuersaartumik aalajangereernerata kingorna qaammatip aallaqqaataani siusinaartumik pensionisiaqalernissamut inatsisitigut atuuttumik pisinnaatitaaffeqalissasoq.

Taamaasilluni qallunaatut allassimanera najoqqutaralugu siusinaartumik pensionisiaqalernissamut inatsisitigut atuuttumik innuttaasoq pisinnaatitaaffeqalersarpoq qinnuteqaammut akuersaartumik aalajangeereernerup kingorna qaammatip aallaqqaataani.

Inatsimmi siunertarineqarpoq siusinaartumik pensionisiaqalernissamut pisinnaatitaaffiup piumasagaatit naammassineqareerpata kommunalbestyrelsilu siusinaartumik pensionisiaqalernissamik qinnuteqaammut akuersaartumik aalajangiinerata kingorna qaammatip allaqqaataani siusinaartumik pensionisiaqalernissamut inatsisitigut atuuttumik pisinnaatitaaffeqalernissaq. § 31-imi oqaaseqaatini kalaallisut qallunaatullu allassimaneri paasiuminaallisitsisinnaasunik kukkunertaqarput inatsissatullu siunnersuusiami matumani taaneqartut aaqqiissuteqarfiginiarneqarlutik.

<b>Inatsisissamut siunnersuut inatsimmut maannamut atuuttumut sanilliullugu</b>	
<i>Oqaasiliunneqarsimasut maannamut atuuttut</i>	<i>Inatsissatut siunnersuut</i>
	<b>§ 1</b> Inatsisartut inatsisaat nr. 40 ulloq 9. december 2015-imeersoq naapertorlugu, makku allannguutigineqarput:
<b>§ 31</b> Siusinaartumik pensionisiaqalernissamik qinnuteqartoq, piumasagaatit naammassineqareerpata, aamma kommunalbestyrelsi siusinaartumik pensionisiaqalernissamik qinnuteqaammut akuersaartumik aalajangeereernata kingorna qaammatip aallaqqaataani siusinaartumik pensionisiaqalernissamut inatsisitigut atuuttumik pisinnaatitaaffeqalissaaq	<b>1. § 31</b> , imatut oqaasertalerneqassaaq: ”Siusinaartumik pensionisiliaqalernissamik pisinnaatitaaffeqalerneq pissaaq piumasagaatit naammassineqareerpata aamma kommunalbestyrelsi siusinaartumik pensionisiaqalernissamik qinnuteqaammut akuersaartumik aalajangeereernerata kingorna qaammatip aallaqqaataani”
	<b>§ 2</b> Inatsisartut inatsisaat ulloq 1. december 2016 atuutilissaaq. <i>Imm. 2.</i> Siusinaartumik pensionisiaqalernissamik qinnuteqaatit ulloq 1. Juli 2016 ullorlu taaneqartoq ilanngullugu kingorna tunniunneqartut qinnuteqaatit siusinaartumik pensionisiliaqalernissamik pisinnaatitaaffeqalerneq pissaaq piumasagaatit naammassineqareerpata siusinaartumik pensionisiaqalernissamik qinnuteqaammut

	akuersaartumik aalajangeereernerata kingorna qaammatip aallaqqaataani.
--	--

## **2. Tunngavilersuutit siunnersuummi**

Inatsissatut siunnersuutit inatsimmi kalaallisut qallunaatullu allassimasut naapertuutilersissavai.

Ikaarsaariarnermi aalajangersagaq atuuttusaq inatsissatut siunnersuummi ilanngullugu suliaqarineqarpoq, tamatumani Siusinaartumik pensionisiat pillugit Inatsisartut inatsisissaanni aalajangersakkap kalaallisut allassimaneranut sanilliullugu inatsisissatut siunnersuutit kingunerisaanik innuttaasut inatsisitigut inissisimanerinit atatillugu kingumut atuuttumik naapertuutinngitsumik innuttaasut inissisimalinnginnissaat qulakkeerumallugu.

## **3. Aningaasaqarnikkut allaffisornikkullu pisortaqaqfinni kinguneqaatissai**

Aningaasaqarnikkut kingunissat sunniuteqarneri annikitsuinnaanissai naatsorsuutigineqarpoq.

## **4. Namminersorlutik inuussutissarsiortunut aningaasatigut allaffisornikkullu kinguneqaatissai**

Aningaasaqarnikkut allaffisornikkullu siunnersuut kinguneqassanngilaq.

## **5. Avatangiisinut pinngortitamut innuttaasullu peqqissusaannut kingunerisassat**

Avatangiisinut pinngortitanut innuttaasullu peqqissusaannut kinguneqassanngilaq.

## **6. Innuttaasunut ataasiakkaanut kingunerisassat**

Siunnersuummi ikaarsaariarnermi aalajangersagaq innuttaasunut siunertamut naapertuutinngitsumik sunniuteqassanngilaq, tamatumani siusinaartumik pensionisiassanik qinnuteqaatit kalaallisut inatsisip allassimanagera najoqqutaralugu aallaaveqarnermi.

## **7. Allatigut kingunissai**

Siunnersuut allatigut kinguneqassanngilaq.

## **8. Naalakkersuisoqarfinnut kattuffinni assigisaanilu tusarniaaneri**

Aningaasaqarnermut Naalakkersuisoqarfimmi inatsisissatut siunnersuut tusarniaassutigineqarsimavoq. Inatsisissatut siunnersuummut oqaaseqaateqartoqarsimanngilaq.

**Aalajangersakkanut ataasiakkaanut oqaatigiumasat**

## § 1-imut

### *Nr. 1-imut*

Siusinaartumik pensionisianik pisartagaqalernissamik pisinnaatitaaffiup qaqugukkut atuutilerera pillugu sulianik ingerlatsinissani inatsisip qallunaatut kalaallisullu allassimanagerini naapertuutinngitsoqarnera sunnuteqarpoq.

Inatsimmi allassimasunik allannguinerup ersarissassavaa siusinaartumik pensionisianik pisartagaqalernissamik pisinnaatitaaffiup qinnuteqaateqarnerup aalajangiiffiqeqarnerata kingorna pissasoq ersarissarneqassammat, siusinaartumik pensionisiaqalernissamik qinnuteqarnerup kingorna pinnani.

### *Assersuut:*

Siusinaartumik pensionisiaqalerneru qinnuteqaat assersuutigalugu september 2016 tunniunneqarpat suliarineqarluni aallartinneqassaaq. Kommunalbestyrelsi siusinaartumik pensionisiaqalernissamik qinnuteqaatit pillugit akuersissuteqartoqassanersoq aalajangiissapput januar 2017-imi. Siusinaartumik pensionisiaqalernissamik akuersissuteqarneq siusinaartumillu pensionisiaqalersinnaatitaaneq taamaasilluni pineqartumi 1. februar 2017 atuutilissaaq.

## § 2-mut

Aalajangersakka immikkortuani siullermi inatsisip allannguutaata qaqugu atuutilernissaanik imaqarpoq.

Aalajangersakkami immikkoortup aappaa ikaarsaariarnermi aalajangersakkap atuutilerneranik imaqarpoq, tamatumani taamaallaat siusinaartumik pensionisiaqalernissamik qinnuteqaatit piffissami ulloq 1. juli 2016-imiit tunniunneqartut kisiisa pineqarlutik tamatumani inatsit pineqartup atuutilersinneqarnissaata tungaanut tunngasut.

Aalajangersakkami immikkoortup aappaata kingunerissavaa siusinaartumik pensionisiaqalernissamik qinnuteqaammut akuersaartumik aalajangiinerup kingorna siusinaartumik pensionisiaqalernissamik qinnuteqaateqarnermi piumasaqaatit naammassineqarpata qaammatip allaqqaataani siusinaartumik pensionisiaqalernissamut inatsisitigut atuuttumik pisinnaatitaaffeqalernissaq piffissami 1. juli 2016-imiit atuutilissasoq.